

Mascaruba den un aña masha activo

ORANJESTAD(AAN) — Mascaruba a habri aña yen di actividad teatral. Desde e promer fin di siman Tele-Aruba ta filmando e obra di Mascaruba "Luz na Horizonte". Hopi ora hunto cu e equipo tecnico di Tele Aruba nan ta dedicando na e proyecto aki.

Un actividad nobo ta e actuacion di situacionnan di crisis como parti di training pa polis den entrenamiento na school pa polis. E experimento aki a bira un enorme exito.

Ayer Mascaruba a bay pa e Festival Internacional di Teatro Amateur cu ta tuma lugar na Pueblo Mexico. Aruba a haya invitacion y cu cooperacion di C.C.A. y U.N.O.C.A., Mascaruba ta representa Aruba cu e obra "Luz na Horizonte", cual obra Mascaruba a gana un premio den e ultimo festi-



val na Aruba den persona di Oslin Boekhoudt. Awor e obra ta mas pro-

fundisa y mihor prepara ainda.

Na Juli aña pasa ya caba

Mascaruba a presenta e obra na Papiamento na Colombia. E experimento

presentando un obra na Papiamento den e pais di habla Español tabata un exito. Mascaruba ta yen di confianza cu e biaha aki tambe nan lo tin hopi exito.

Cu cooperacion di 'Aruba Tourism Authority' tambe ta viaha hunto cu e elenco di Mascaruba e popular trio Huasteca pa proba di e ocasion y haci promocion pa e dushi isla Aruba.

Mascaruba a hiba Papiamento na Venezuela-Colombia- New York y awor na Mexico. Hopi exito Mascaruba. Aruba ta cu boso. Mascaruba kier a gradicir instancia y persona cu di un of otro forma a coopera pa realisa e proyecto cultural aki.

Mendelssohn Trio den Cas di Cultura

ORANJESTAD(AAN) — Circulo Arubano Pro-Arte ta presenta Diasabra 27 di Februari 1988 pa 8.30 p.m. na Cas di Cultura e conocido Mendelssohn Trio.

Mendelssohn Trio a ser funda na 1969 door di e cellista Elias Arizcuren. Nan tin un repertorio amplio cual ta inclui musica contemporaneo musica clasico y romantico. Diferente compositor contemporaneo, conoci a dedica obranan na e Trio.

Fuera di gozando di e exito enorme na Hulanda e Trio a presenta na audiencianan entusiasmanan e centronan mas im-

portante di musica di Europa, di Paris y Bruselas te cu London y Ginebra.

Na diferente ocasion nan a haci gira exitoso na Mediano Oriente, Norte-America y America del Sur. Nan concierto na Carnegie Hall na New York a ricibi e critica mas

positivo di "The New 1687. York Times".

Mendelssohn Trio por ser scucha ariba un cantidad di disco. Cada un di e miembronan di e trio ta maestro na un conservatorio di musica Hulandes. E violon ta un Gian Battista Rogeri y ta data di 1690 y e cello ta un Francesco Ruggieri di

E concierto lo encera obra di Beethoven, Rachmaninoff y Shostakovich.

E miembronan di Kunstkring ta worde recorda pa paga e miembrecia pa aña 1988. Carchi ta obtenibel na tur libreria y na cas di Cultura ariba e anochi di concierto.

Curso nobo di YMCA

ORANJESTAD (AAN) — Durante e ultimo dianan cu a pasa a ser pulica e relato encuentro YMCA su programa di cursonan cu ya ta prepara pa cuminsa awor cu Carnaval a caba.

Na e mes momento aki YMCA ta haya necesario pa enfatiza specialmente riba tres curso nobo y special cu tambe a ser inclui e

biaha aki, esta, Obra di cuero, Beyesa perfecto y Weaving (weven).

Pa e obra di Cuero, lo introduci tur e pasanan basico necesario pa por traha articulonan di cuero, manera p.e. cartera, tas, etc., for di haci patronchi te na terminacion di e articulonan.

Pa Beyesa Perfecto, lo tin

un instructor profesional den su ramo cu e beyesa cu lo ta encarga pa convene participantenan con pa perfecciona beyesa den tur respectu.

Den e curso di Weaving, lo por siña con pa traha un bon variedad di bunita articulonan pa medio di diferente tecnicnan profesional den diferente forma.

Pa mas facilita esnan cu ainda no a inscribi pa e diferente cursonan di YMCA apart di Snacks cu ya ta cuminsa dia 25 proximo, tur e otro curso a ser hala pa un siman mas, pues e snacks course lo cuminsa Diahuebs awor, pero e otoronan lo cuminsa for di dia 29 padilanti.


Pa mas informacion, libremet jama YMCA San Nicolaas na 45303/45746 of YMCA Dakota 23072/31301.

Teatro di Danza Arubano den Bon Bini Festival

ORANJESTAD(AAN) — Diamars 23 di Februari 1988 lo tuma lugar den Fort Zoutman cuminsando 6'or y mei di atardi otro anochi cultural di "Bon Bini Festival". Lo bay tin actuacion musical di "Cah'i Orgel Gloria", bao direccion di señor

Serapio Maduro y grupo tipico "Del Campo" bao direccion di señor Vicente Tromp.

Ademas grupo di baile "Teatro Danza Arubano" bao direccion di señora Diana Antonneta lo percura pa e show folklorico.



B.J. ARENDS & SONS
Brenchie's Lumber & Building Supply.
pariba di prison.
"Lumber Specialists"



buro arends
praktijkopleidingen

aruba arendstraat 9 tel. 23515

Op Aruba begint eind februari voor de eerste maal de ISW opleiding:

PUBLIC RELATIONS
(febr. t/m april 1988)

Bel voor toezending van gratis informatiefolder: tel. 23515.

un lider no ta nase, bo ta form'e